



26. jun 2015.

SEDMIČNI PREGLED AKTIVNOSTI – 809

DEŠAVANJA U POSTUPCIMA

I. PREGLED POSTUPAKA PRED SUDOM

Predmet MLADIĆ

Pretnosno vijeće I – sudije Orić (predsjedavajući), Moloto i Flüggé

Ponovno otvaranje dokaznog postupka tužilaštva (dokazi u vezi s Tomašicom)

Dana 22. juna 2015., svjedočio je sljedeći svjedok:

- ***Svjedok RM-383***

Dana 23. juna 2015., svjedočio je sljedeći svjedok:

- ***Svjedok RM-382***

Dana 24. juna 2015., svjedočio je sljedeći svjedok:

- ***Ian Hanson*** (*vještak forenzičar*)

Dana 24. juna 2015., svjedočio je sljedeći svjedok:

- ***Bruno Franjić*** (*vještak balističar*)

II. PREGLED ODABRANIH SUDSKIH SPISA

Predmet Sreten LUKIĆ

Predsjednik MMKS-a Meron

ODLUKA PO ZAHTJEVU SREtena LUKIĆA DA PREDsjedNIK utvrdi koliki je dio kazne do sada IZDRŽAN

Dana 29. maja 2015., predsjednik MMKS-a Meron odbacio je zahtjev Sretena Lukića, u predmetu *Šainović i drugi*, da se utvrdi koliki je dio kazne izdržao do sada. Lukić je tražio potvrdu da mu je u izdržavanje kazne uračunato cjelokupno vrijeme koje je proveo u pritvoru MKSJ-a, uključujući i periode privremenog boravka na slobodi, kao i vrijeme prije prebacivanja na MKSJ. Predsjednik Meron je napomenuo da se u presudi Pretnosnog vijeća pominje da se Lukić 'nalazi u pritvoru od 4. aprila 2005. godine' i da 'ima pravo

da mu se u izdržavanje kazne uračuna vrijeme koje je do sada proveo u pritvoru', što nije osporeno u žalbenom postupku. Predsednik je odbacio Lukićev zahtjev zaključivši da predsednik Mehanizma nema nadležnost da preispituje pravosnažne presude.

Predmet STANIŠIĆ i SIMATOVIĆ

Žalbeno vijeće – sudije Pocar (predsjedavajući), Agius, Daqun, Ramarosan i Afandže

NALOG O RASPOREDU ŽALBENOG PRETRESA

Dana 12. juna 2015., Žalbeno vijeće je naložilo da se žalbeni pretres u predmetu *Stanišić i Simatović* održi 6. Jula 2015. U periodu od 10:00 do 16:30 u sudnici koja će biti naknadno određena.

OBAVJEŠTENJE SIMATOVIĆEVE ODBRANE

Dana 19. juna 2015., Franko Simatović je obavijestio Vijeće da se odriče prava da bude prisutan na žalbenom pretresu 6. jula 2015.

Predmet Stanislav GALIĆ

Predsjednik MMKS-a Meron

JAVNA VERZIJA ODLUKE OD 5. DECEMBRA 2014.S OBRAZLOŽENJEM KOJE ĆE USLIJEDITI O PRIJEVREMENOM PUŠTANJU NA SLOBODU STANISLAVA GALIĆA**RAZLOZI PREDSJEDNIKOVE ODLUKE KOJOM SE ODBIJA PRIJEVREMENO PUŠTANJE NA SLOBODU STANISLAVA GALIĆA I ODLUKA PO ZAHTJEVU TUŽILAŠTVA**

Dana 23. juna 2015., svojstvu predsjednika MMKS-a, predsjednik Meron je izdao javnu verziju svoje odluke, koja je izdata na poverljivoj osnovi 5. decembra 2014, kojom je odbacio zahtjev za prijevremeno puštanje na slobodu Stanislava Galića kojeg je Žalbeno vijeće MKSJ-a 30. novembra 2006. osudilo na doživotnu kaznu zatvora za ulogu u kampanji granatiranja i snajperskog delovanja po civilnom stanovništvu Sarajeva od septembra 1992. do avgusta 1994. godine. Galić je 15. januara 2009. prebačen u Njemačku na izdržavanje ostatka kazne. Prema njemačkom zakonu, osobe osuđene na doživotnu kaznu zatvora imaju pravo da zatraže prijevremeno puštanje na slobodu nakon 15 godina. Sekretar je 15. oktobra 2014. godine predsjedniku prenio obavještenje Njemačke o tome da Galić ima pravo da zatraži prijevremeno puštanje na slobodu prema njemačkom zakonu. Sekretar je 21. novembra 2014. predsjedniku prenio Galićev zahtjev za prijevremeno puštanje na slobodu nakon što je odslužio 15 godina zatvora. Ovo je prva odluka Mehanizma koja se odnosi na pravo osobe koja je osuđena na doživotnu kaznu zatvora da zatraži prijevremeno puštanje na slobodu. Predsjednik Meron je razloge za svoju odluku da Galiću ne odobri prijevremeno puštanje na slobodu obrazložio u posebnom dokumentu koji je izdat 23. juna. U tom dokumentu, predsjednik prvo napominje da osobama koje su osuđene na doživotnu kaznu zatvora pred MKSR-om, MKSJ-om ili Mehanizmom ne smije biti 'onemogućeno' da budu uzete u obzir za prijevremeno puštanje na slobodu. Predsjednik je dalje naveo da će biti smatrano da Galić ima pravo da podnese zahtjev za prijevremeno puštanje na slobodu nakon što bude izdržao više od dvije trećine najviše kazne s određenim vremenskim trajanjem koju je izrekao MKSR, MKSJ ili Mehanizam, što predstavlja više

od 30 godina zatvorske kazne izrečene Galiću. S obzirom na to da je Galić, zaključno s 18. decembrom 2014. godine, odslužio 15 godina zatvora, predsjednik je odbacio njegov zahtjev za prijevremeno puštanje na slobodu. Međutim, predsjednik je napomenuo da činjenica da li neka osoba lice jeste ili nije izdržala dve trećine kazne koja joj je izrečena nije odlučujuća ni za mogućnost razmatranja zahtjeva za prijevremeno puštanje na slobodu, ni za izgleda na uspjeh takvog zahtjeva.

Predmet ĐORĐEVIĆ

Žalbena vijeće – sudije Agius (predsjedavajući), Robinson, Güney, Khan i Tuzmukhamedov

PRESUDA

Dana 24. juna 2015., podnesen je prevod na B/H/S presude Žalbenog vijeća u postupku protiv Vlastimira Đorđevića.

**RASPORED U SUDNICAMA:
29. JUN – 3. JUL 2015.***

	Sudnica 1	Sudnica 3
Ponedjeljak	09:30 – 14:15 Mladić , glavni pretres	
Utorak	09:30 – 14:15 Mladić , glavni pretres	
Srijeda	09:30 – 14:15 Mladić , glavni pretres	
Četvrtak	09:30 – 14:15 Mladić , glavni pretres	
Petak		

* Raspored u sudnicama je podložan promjenama. Za najnovije izmjene pogledajte www.icty.org ili se obratite direktno Službi za medije (+3170 512 -8752, -5343, ili -5356)

Javni postupci također se prenose s 30 minuta zakašnjenja na *websiteu* MKSJ-a:

www.icty.org/bhs

NAJNOVIJA SAOPŠTENJA ZA JAVNOST

Datum	Broj	Naslov	E	F	B/C/S
03.06.2015.	1625	Predsjednik Meron izvijestio Savjet bezbjednosti Ujedinjenih nacija o sprovođenju strategije okončanja rada MKSJ-a http://www.icty.org/sid/11653	E	F	B/C/S
03.06.2015.	1626	Izveštaj o napretku ostvarenom u ispunjavanju strategije okončanja rada MKSJ-a: obraćanje tužioca Sergeja Brammertza Savjetu bezbjednosti Ujedinjenih nacija http://www.icty.org/sid/11656	E	F	B/C/S
18.06.2015.	1627	Međunarodni sud pokrenuo web stranicu i objavio video povodom godišnjice genocida u Srebrenici http://www.icty.org/sid/11657	E	F	B/C/S

Najnoviji spisak svih sudskih podnesaka dostupan je na [Sudski spisi MKSJ-a](#)
Izbor najnovijih javnih podnesaka dostupan je na [websiteu MKSJ-a](#)